



Inatsisartunut ilaasortaq
Bendt B. Kristiansen, Inuit Ataqtigiit

Ingerlatseqatigiiffinnut akileraarutip appartinneqarnissaanik Naalakkersuisut pilersaarutaat pillugu § 37 naapertorlugu apeqqummut akissut.

Ingerlatseqatigiiffinnut akileraarut pillugu Inatsisartut suleriaasianni § 37 naapertorlugu Naalakkersuisunut apeqquteqarputit. Matuma kinguliani apeqqutit akissuteqarfigaakka.

Brevdato: 11-10-2017
Sags nr. 2017 - 21824
Akt id. 6266295

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Naalakkersuisut siunertaqarpat selskabsskat-ip appaavigineqarnissaanik?

Inuussutissarsiutinik ingerlataqartut pitsaasunik tunngavissaqalersinnissaat Naalakkerusisunit kissaatigineqarpoq. Tassa suliffeqarfiit unammillersinnaassusiannut aningaasaliinissamullu kajumissusiannut pitsanngorsaaniarluni atugassatigut tunngavissat pineqarput, taamaalilluni aningaasaqarnikkut inerikkiartornissamut periarfissat pitsaanagerusut pilersillugit, taamaalillunilu suliffissanik ataavartunik pilersitsisoqarsinnaaqqullugu. Ingerlatseqatigiiffinnut akileraarutip appartinneqarnissaa tunngavissanut sunneeqataasinnaasut arlallit ilagaat aammalu iliuusissatut periarfissatut naalakkersuisooqatigiinnissamik isumaqatigiisummi eqqaaneqarluni.

Pissutsit allat, soorlu attaveqaatit, ilinniagaqassutsip qaffasissusia suliffissallu tassaapput aamma pingaaruteqarluinnartut. Pisortat aningaasaataat atorlugit aningaasaliisoqaraangat ataatsimut aningaasaliinerup taamaattut sapinngisamik annertunerpaamik iluanaarutigineqarnissaa pingaaruteqarpoq. Taamaattumillu suliffeqarfiit atugassarititigut qanoq pitsaanagerpaamik tunngavissinneqarsinnaanersut sukumiisumik misissorneqassaaq. Tamanna Naalakkersuisunit ingerlaavartumik nalilersorneqaqqissaartarpoq aammalu attaveqarnikkut pitsanngorsaaniisanit ilinniagaqassutsillu qaffassarneqarnissaanit ingerlatseqatigiiffinnut akileraarutip appartinneqarnissaa Naalakkersuisunit maanna pingaartinneqannginnerulluni.

2. Selskabsskat-i maanna 31,8%-mik annertussuseqartup 20%-mut apparneqassangaluarpat nunatta karsianut ukiuni tulluutuni 20-ni qanoq naleqassua?

Matumani § 37 naapertorlugu 2016-imi akissut nr. 223 innersuussutigaara, tamatumani ingerlatseqatigiiffinnut akileraarut 1 procent pointimik appartinneqarpat tamanna siunissami qaninnerusumi akileraarutinit iluanaarutit 9 mio. kr.-inik annikilliallannerannik nassataqassasoq naatsorsorneqarluni. Taamaalillunilu 10 procent pointimik appaaneq siunissami qaninnerusumi 90 mio. kr.-inik ukiumut annikinnerusumik isertitaqalernermik nassataqassaaq. Tamatuma saniatigut akileraarutip nalingata annikilleriaataa

pissutigalugu akileraarutitigut akiligassaraluit 333 mio. kr.-iussapput, taakkulu ukiunut arlalinnut agguataarneqassallutik.

Piffissamut ukiunik 20-nik sivilissuseqartumut sunniutissai oqaatigiuminaapput, tassa suliffeqarfiit aningaasanik atorsinnaasamik amerleriaataannik sumut atuinerata sunniuteqarnissaa apeqqutaassamat. Akileraarutitigut sipaarneqartut aningaasaliissutiginiissaat suliffeqarfiit toqqarpasuk – pissutsillu allanngunngippata – tamanna aningaasaliisnaassutsip annertusineranik nassataqassaaq, taamaalillunilu namminersortuni suliffissat amerlanerulissallutik inuiaqatigiinni tamanut iluaqutaasumik. Suliffeqarfiit sinneqartoorutiminnik piginnittunut tunniussinissaq toqqarpasuk akileraarutip annikillissutaa akileraarutitigut iluanaarutinut tamarmiusunut sunniuteqassanngilaq iluanaarutinut akileraarut allanngortinneqassanngimmat.

3. Selskabsskatip apparneqarsinnaaneranut qaffanneqarsinnaanerannulluunniit Sulisitsisut kattuffiannit kingullertigut sulianut assigiinngitsunut tusarniaanerni qanoq isummertarsimappat?

Uanga ilisimasara malillugu ingerlatseqatigiiffinnut akileraarut apparneqassanersoq annertusineqassanersorluunniit pillugu Sulisitsisut piffissami kingullermi pisortatigoortumik nalunaarutiginnigilaat. Ingerlatseqatigiiffinnut akileraarutip appartinneqarnissaat 2016-imi pilersaarutigineqarmat Sulisitsisut 2017-imi aningaasanut inatsimmut atatillugu taperserpaat. Tamannalu naalakkersuisooqatigiisuusimasut nalaanni pivoq.

Pappiaqqanit nalilinnit iluanaarutit akileraarusersorneqarnissaannik Naalakkersuisut 2017-imi ukiakkut ataatsimiinneranni siunnersuut saqqummiunneqartoq (UKA2017/91) pinnagu Grønlands Revisionskontorip ingerlatseqatigiiffinnut akileraarutip qaffanneqarnissaa kingullermik tusarniaanermut akissummini innersuussutigaa. Ingerlatseqatigiiffinnillu akileraarutip qaffanneqarnissaa Naalakkersuisut siunnersuutigilersaanngilaat.

Inussiarnersumik inuulluaqqusillunga

Aqqaluaq B. Egede